

Posmatranja kašičara (*Platalea leucorodia* L.) na području sjeverne Bosne u toku 2010. i 2011. godine

Watching Spoonbill (*Platalea leucorodia* L.) in the area of Northern Bosnia and Herzegovina in 2010 and 2011: In the period from 2010 to 2011, specimen of Spoonbill were observed in the areas of Modriča and Bardača fishpond, near Srbac in northern Bosnia and Herzegovina

Na području Modriče, na teritoriji Modričkog polja dva kilometra istočno od grada na lokalitetu Pustara, dana 22.05.2010. posmatrao sam kašičaru (*Platalea leucorodia*) kako se hrani u efemernoj bari. Poslije nekoliko minuta ptica je odletjela u pravcu sjeveroistoka. Nakon pola sata doletjela je na baru iz istog pravca. Slijedećeg mjeseca, 27.06.2010., u jutarnjim časovima i po kišnom vremenu na istoj bari zapazio sam 11 kašičara, od kojih je jedna ptica bila prstenovana, a u jatu su bile i četiri bijele rode (*Ciconia ciconia*). Sve ptice su zatim poletjele i kratko nadlijetale prostor. Zatim su zajedno sletjele na isto mjesto i čistile perje. Naredni mjesec,

22.07.2010. zapazio sam devet kašičara kako se hrane u plitkoj vodi zaostaloj od poplave kraj puta Modriča-Doboj, zajedno sa dvije sive čaplje (*Ardea cinerea*). Lokalizet se nalazi na području sela Tarevci, na desnoj obali rijeke Bosne na oko 4 km od Modriče. U ovoj grupi sam zapazio tri pstenovane ptice. U 2011. godini prilikom akcije međunarodnog brojanja ptica močvarica (IWC), 15.01.2011. na ribnjacima Bardača posmatrao sam tri čaplje kašikare na dnu isušenog ribnjaka Sinjak. Iste godine u julu (30.07.2011.) na bari Velika Tišina kod Šamca primijetio sam jato od 11 čaplji kašikara kako kruži nekoliko minuta a zatim se spušta na baru u plićak.



Slike 1-2. Kašikare i bijele rode kod Modriče (lijevo) i kašikare u selu Tarevci (desno)
(Foto: J. Sjeničić)

Figures 1-2. Spoonbill and White Storks near Modriča (left) and Spoonbill in the village of Tarevci (right)(Photo: J. Sjeničić)

Jovica Sjeničić,
Društvo za istraživanje i zaštitu biodiverziteta, Brace Potkonjaka 16, 78000 Banja Luka
jovica.sjenicic@gmail.com